

ԱՐՏԱԺԱՄՅԱ ԱՇԽԱՏԱՆՔ

4 հարցերի կարճ պատասխաններ



1 Որքան է աշխատաժամանակի նորմալ տևողությունը և թույլատրելի արտաժամյա աշխատանքի տևողությունը:

Աշխատաժամանակի նորմալ տևողությունը չի կարող անցնել **շաբաթական 40 ժամից**: Արտաժամյա աշխատանքի դեպքում աշխատաժամանակի առավելագույն տևողությունը չի կարող անցնել **օրական 12 ժամից** (հանգստի և սնվելու համար՝ ընդմիջումը ներառյալ), իսկ **շաբաթվա ընթացքում՝ 48 ժամից**:

Արտաժամյա աշխատանքի տևողությունը կախված է վերջինիս բնույթից: Որպես կանոն, արտաժամյա աշխատանքը **իրար հաջորդող երկու օրվա** ընթացքում չպետք է գերազանցի **4 ժամը**, սակայն օրինակ՝ եթե այն իրականացվում է պետության պաշտպանության կատարման համար, ապա արտաժամյա աշխատանքն **իրար հաջորդող երկու օրվա** ընթացքում չպետք է գերազանցի **8 ժամը**:

2 Որո՞նք են այն բացառիկ դեպքերը, երբ թույլատրվում է արտաժամյա աշխատանք:

Արտաժամյա աշխատանք թույլատրվում է.

- ա) եթե կատարվում է **պետության պաշտպանություն**,
- բ) անհրաժեշտ է **ավարտել սկսած աշխատանքը**, որը չէր կարող ավարտվել նորմալ աշխատաժամանակի ընթացքում, և որի դադարեցումը կարող է **առաջացնել վնասներ**,
- գ) իրականացվում է այնպիսի մեխանիզմների կամ սարքավորումների **նորոգման կամ վերականգնման աշխատանքներ**, որոնց անսարքության հետևանքով ընդհատվել է զգալի թվով աշխատողների աշխատանքը,
- դ) աշխատանքի չի ներկայացել հերթափոխային աշխատողը,
- ե) կատարվում են **բեռնման կամ բեռնաթափման** և դրանց հետ կապված այլ աշխատանքներ,
- զ) առկա է գործատուի պայմանագրային պարտավորությունների **անհապաղ կատարման անհրաժեշտությունը**:




3 Ի՞նչ սահմանափակումներ են առկա արտաժամյա աշխատանքի համար:

Սահմանափակումները կապված են **որոշակի խումբ անձանց հետ**: Արտաժամյա աշխատանքներին չեն ներգրավվում՝

- ա) **մինչև 18 տարեկան** աշխատողները,
- բ) առանց արտադրությունից կամ աշխատանքից կտրվելու՝ հանրակրթական և մասնագիտական դպրոցներում **սովորող աշխատողները դասերի օրերին**,
- գ) առողջության համար **վնասակար և (կամ) վտանգավոր գործոնների** ազդեցության պայմաններում աշխատողները,
- դ) Հայաստանի Հանրապետության օրենսդրությամբ և կոլեկտիվ պայմանագրով նախատեսված **այլ պայմաններում** աշխատողները:

Հաշմանդամություն ունեցող անձիք կարող են ներգրավվել արտաժամյա աշխատանքի միայն **իրենց գրավոր համաձայնությամբ**, եթե բժշկական եզրակացությամբ դա նրանց **արգելված չէ**:



4 Որքան է արտաժամյա աշխատանքի վարձատրության չափը:

Արտաժամյա աշխատանքի յուրաքանչյուր ժամի համար, ժամային դրույքաչափից բացի, վճարվում է հավելում՝ ժամային դրույքաչափի **50 տոկոսից ոչ պակաս չափով**: